

Guangjisi Minzcu Bau

ganhhau: CN45-0036 B.2016 Nd.12 Ng.28 liggaueq bingjsaen nienz ndwenit samcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3255期

Ningzmingz Yen Guh Ndei Hong Angqhoh Ngoenzciet Seiz Yungh Sawcuengh Vahcuengh

宁明县做好在民间节庆活动中壮语壮文的使用工作

It dwg bineix “sam nyied sam” hozdung seiz, youq densi cigboq cawj yienhciegz—Ningzmingz Yen Byaraiz Vwnzva Gvangjicangz seiq-lengq, Ningzmingz Yen Minzcuigiz Minzyijban venj fuk baengzhoengz miz Cuengh Gun song cungj saw 22 diuz, cien boux vunz habciengq 《Fwen Couxhek》; gvaqlaeng 《Fwen Couxhek》 Vahcuengh ndaej yinx haeuj hagdangz、buen hwnj daizheiq cienzcienzcig.

Ngeih dwg gyagiengz minzcuiz cwngcwz senhconz, youq “ndwen senhconz minzcuiz doxgiet cinbu” geizgan, bae daengz yanghcin ngoenzhaw、ciet gobo senhconz seiz venj fuk baengzhoengz miz Cuengh Gun song cungj saw 17 diuz.

Sam dwg dawz Vahcuengh guh-cawj haiguh lajmbanj gak cungj ngoenzciet angqhoh hozdung, dingzlai cungj dwg youq mbanj Bouxcuengh, boux camgya hix dwg vunzlai Boux-

cuengh, ndigah bouxcuiciz gangjavah、cezmuiz gag bien gag yienj haenx, cungj dwg yungh Vahcuengh, “beixnuengx” doenghgiy sing neix hawj vunz roxnyinh caenciet, daegbied dwg Fwencuengh、《Fwen Couxhek》 Vahcuengh、siujbinj Vahcuengh 《Lajmbanj Gyaundeiz》 《Heiqfwen Vahcuengh》 engq hawj vunzlai haenggyaez.

(Liuz Yencuh/刘艳珠 Sinh Gyah-bingz/申家萍)

Vwnzva Yauzcuz Nyuenz Miz Coux Bi Moq



原生态瑶族 文化迎新年

12 nyied 24 hauh, youq aen hoih vuenhgaig senjgij Yauzyoz Yozvei Yungzsuij Myauzcuz Swciyen, gyoengq beixnuengx Yauzcuz daj Dungzlen Yauzcuz Yangh Dungzlen Cunh, Bwzyinz Yangh Yauzgouj Cunh caeuq Linzcwngz Cunh daengj dieg daeuj haenx baijyienj foux gyong raez、boq aenvenz caeuq langhbaij ndangdaenj daengj vwnzva Yauzcuz nyuenz miz neix, angqcoux bi moq daeuj daengz. Ndaw doz dwg dahsau Yauzcuz langhbaij ndangdaenj Yauzcuz. (Lungz Dauh/龙涛)

Duh'anh: Hong Yingjsi Vahcuengh Miz Cungbyoengq Moq

都安:壮语影视工作有新突破

Bineix doxdaeuj, Duh'anh Minzyijgiz engq yawjnaek hong yingjsi vah siujsoq minzcuiz, gaenxmaenx boiqhab yen gvangjden cungsim caeuq yen denyengj gunghswah guh ndei hong gamyawj dungdai boqcuengq denyengj Vahcuengh caeuq boqcuengq fanhoiz denyengj Vahcuengh. Duh'anh Minzyijgiz daj bineix ndwen 7 cujciz daengxcungq ganbu faen baenz 5 aen cuj bae daengz daengx yienh 19 aen yanghcin 239 aen mbanj、segh haiguh denyengj roengz mbanj cam gienj diucaz, cazcam vunzlai lajmbanj doiq roxyiuj denyengj Vahcuengh、baenzlawz doigvangq ndei denyengj Vahcuengh、

doiq lajmbanj vut gungz doidoengh cozyung daengj. Doengzseiz ciuq 《Faenhsaw Swcigih Minzyijvej Fanhyizcu Gvendaengz Gveihfan Si Yienh Denyingj Vah Minzcuiz Roengz Mbanj Hozdung Guenjieix》 vwnzgen iugouz, aeu daengxcungq ganbu faen baenz 5 aen siujcuiz riengz boux cuengq denyengj bae gak yanghcin gak mbanj haiguh denyengj Vahcuengh senhconz、boqcuengq caeuq dukcaz sonyinx.

Bi 2016 Duh'anh Yauzcuz Swciyen guhsat hong fanhoiz denyengj Vahcuengh 《Guekgya Fwnrumz》 《Canlangz》 daengj benqgojgaeq 8 bouh caeuq 《Gyonjgyoeb Cingjeih Vanzging

Lajmbanj》《Gyu Noix Hoh Ndangcangq》 daengj benqgohgyau 9 bouh gungh 17 bouh, seizneix gaenq youq daengx yienh 239 aen hingzcwngcunh 310 aen diemj cuengqingj, boqcuengq denyengj Vahcuengh 1822 ciengz, bouxyawj daengz 12 fanh vunzbaez, Denyingj boqcuengq ciengzbaez caeuq bi 2015 beij demhwnj 5.93%, denyengj Vahcuengh roengz mbanj yied daeuj yied ndaejdaengz vunzlai lajmbanj haenggyaez, vih daengx yienh hong cingcinj vut gungz daezhawj gohgi vwnzva cengjidingj.

(Veiz Vunhlingz)

SIUSIK DINJ

简讯

● Gaenh bi neix daeuj, Gunghcwngz Yauzcuz Swciyen gunghsangh ciz-genh、nungzyez、suijli daengj bumwnz doenggvaq gyalai sonyinx beizyin, lwgmak binjiciz、canjlieng ndaej daezsang yienhda. Bineix daengx yienh 18 fanh moux makndae, sou ndaej 33 fanh dun, gyaqcienz beij bi gvaq doengzgeiz hwnjsang 20%.

(Coux Binjciuh Liuz Cisungh)

● Gaenh bi neix daeuj, Yungzanh Yen doenggvaq yungh ciengj lawh bouj canjnieb bangfuz cwngcwz, gikfat gij yiedcingz bouxguhnaz ndaem makgaemjgaet, bi 2016, Yungzanh Yen ndaem makgaemjgaet mienh-cik daih'iek 11.5 fanh moux, bi sou ndaej 9.5 fanh dun lwgmak, gai ndaej ca mbouj lai 5 ik maenz ngaenz.

(Cinz Ginghoz)

● 12 nyied 22 daengz 24 hauh, Nazboh Yen Sizbinj Yozbinj Genhdaz Gvanlij Giz cujciz Ginhciuh Yisuz-donz aen yienh neix, bae gak yanghcin gak mbanj cunzyienj, hawj vunzlai gak cuz yawj eu fwen、siujbinj、ciengqgo daengj vwnzyi biujyienj caeuq cihsiz doxdap seiz hag rox gij cwngcwz iugouz ancienz cihsiz gijgwn yw caeuq gaicawx gijgwn yw, gyagiengz vunzlai gak cuz rox ancienz gijgwn caeuq yw.

(Hij Cigingh Linz Yungzsenh)

● Gaenh bi neix daeuj, Sanhgyangh Duncuz Swciyen Danhcouh Cin aeu “gyaundeiz Guengjsae swnghdai lajmbanj” caeuq cauxlaeb Guengjsae aen yienh lijyouz daegsaek ok-mingz guh seizndei, doeng-gvaq riuzcienj diegnamh, youq henz 209 roenguek cungdenj dajcauh fuk veh haexnaz Leizdung、vahaij Caidangz、suenmiuz Hungzloh daengj “it mbanj it yiengh” swnghdai fouq minz canjnieb, haenqrengz bang bekkingq vut gungz baenz fouq.

(Gungh Bujangh)